

KONTZERTU EKONOMIKOA. «Akordio bat lortzeko prest» daudela esan du Zenarruzabeitiak

Negoiazioei berrekin diete bi aldeek, lege berri bat hitzartzeko xedearekin

Montorok, hala ere, adierazi du Kontzertuaren luzatzeak bere prozedura jarraituko duela

Erredakzioa | DONOSTIA

Kontzertu Ekonomiko berria hitzartzeko negoziazioei berriz heltzea adostu zuten atzo Eusko Jaurlaritzak, EAEko aldundiek eta Espainiako Gobernuak, Madrilgo Ogasun Ministerioan eginitako bileran. Konpromiso horretara iritsi arren, Espainiako Gobernuak adierazi zuen Kontzertuaren luzatzea bere horretan mantenduko dela, eta Kongresuan eta Senatuan eztabai-datuko dela.

Idoia Zenarruzabeitia Eusko Jaurlaritzako Ogasun sailburua, Cristobal Montoro Espainiako Gobernuako Ogasun ministroa, eta Ramon Rabanera, Josu Bergara eta Roman Sudupe Arabako, Bizkaiko eta Gipuzkoako ahaldu nagusiak izan ziren bileran.

Zenarruzabeitiak adierazi zuen Madrilek Kontzertua luzatzea erabaki ostean, «negoiazien jarraitzeko eta akordio bat lortzeko prest» daudela argi uzteko izan zirela atzoko bileran. «Bihartik aurrera [gaur] Kontzertuaren inguruko bilerekin berriz helduko diegu lege horri merezi duen garrantzia emateko», gaineratu zuen Zenarruzabeitiak. Horretarako, Eusko Jaurlaritzako lehendakariordeak adierazi zuen «Madrilgo eta EAEko instituzioen arteko aurretiko akordioa» nabarmendu behar dela Kontzertuaren testu berria tramitatzeko orduan.

Zenarruzabeitiaren aburuz, «akordioa ez da zuzenketen bidez tramitatu behar, horrek planoak nahastea eragingo lukeelako. Akordioak instituzioen artean lortzen dira, eta instituzio horietako bat da lege proiektua tramitatzen duena. Era berean, parlamentuko taldeek ere ezin izango dituzte akordioak tramitatu, horrela plano instituzionala alderdikoarekin nahastea arriskua dagoelako».

Madriren jarrera

Montorok, aldiz, azpimarratu zuen Kontzertuaren luzatzeak bere prozedura jarraituko duela Kongresuan eta Senatuan, eta datorren urtarrilaren 1ean sartuko dela indarrean. Ogasun ministroak, halaber, adierazi zuen Kontzertuarentzat lege berria eskatzeaz gain, Jaurlaritzaren aldeko gehiengoa testu berria zuzenketen bidez tramitatzearen aurka dagoela. «Bes-



MONDELO / EFE

Idoia Zenarruzabeitia Ogasun sailburuak Cristobal Montoro Ogasun ministroa aurrean duela, atzo.

ONDORIOAK

15.000 milioi pezeta gutxiago Osasun arloan

Gabriel Inclin Eusko Jaurlaritzako Osasun sailburuak, atzo, Bilbon emandako prentsaurrekoan azpimarratu zuen Kupoaren inguruan Espainiako Gobernuak eginitako exijentziak bezek gero, EAEko Osasun arloak 15.000 milioi pezeta (90 milioi euro inguru) gutxiago izango lituzkeela. Jaurlaritzako Osasun sailburuak Espainiako Gobernuak salatu zuen Eusko Jaurlaritzak Europako erakundeetan ahotz propioa izan nahi zuela exijitu zuela esanda, «Kontzertu

Ekonomikoari buruz dauden ezberdintasunak ezkutatu dituelako».

Inclanen aburuz, «15.000 milioi pezeta gutxiago izateak hainbat ondorio eragingo lituzke: datorren urterako inbertsioak bertan behera gelditzea, kontsulten, diagnosi proben eta ebakuntzen jardunaren murriztea —itxarote zerrendak handituko lirateke horren ondorioz—, eta haurren hartz arazoak eta bularren minbizia antzemateko programak bertan behera gelditzea, besteak beste». Osasun sailburuak, halaber, adierazi zuen Kupo «entelekia politikoa» dela, EAEko Osasun Sistemaren kalitateari eta ahalmenari «kalte larriak» eragingo dizkiolako.

te testu baten beharrak akordio bat lortzeko denbora parlamentarioa izatea eta datorren urtarrilaren 1erako Kontzertu Ekonomikoaren lege berria indarrean izatea eragozten du. Hala ere, horrek ez du esan nahi akordio bat lortzeko egiten ari garen bilera hauekin urte bukaera arte jarraitu ezin dugunik», gaineratu zuen Montorok.

Ogasun ministroak nabarmendu zuenez, «akordioa lortzeko distantziak oso motzak dira. Akordioa ez dago oso urruti, baina horretarako borondate politikoa izatea beharrezkoa da». Montororen aburuz, «Kontzertuaren luzatzeak

zentzua du, nahiz eta negoziazioak bere horretan jarraitu. Izan ere, Kontzertuaren jarraitkortasunaren, aldundien eta Ogasunen segurtasunaren, eta Euskadik bere Foru Ogasunen bidez autogobernua lantzen jarraitzeko bermea da».

Jose Maria Aznar Espainiako lehendakariak, berriz, Kongresuan azpimarratu zuen Madrilgo gobernuak eta Eusko Jaurlaritzak Kontzertu Ekonomikoa berritzearen inguruan akordio bat hitzartzea nahi duela. Aznarrek EAJ alderdia salatu zuen «Kontzertu Ekonomikotik kanpo dauden gauzak» eskatzeagatik.

Egibar: «Europar ordezkariarik izan ezean, ez dago akordiorik»

Joseba Egibar EAJko bozeramaileak, ordea, salatu zuen Madrilek «ekonomikoki Euskal Herria itotzeko plana» egin duela. Egibarrek azpimarratu zuenez, «euskal erakundeek Europar ordezkariarik izan ezean ez da akordiorik izango».

Jose Blanco, PSOEko buruzagi sozialistak «probokaziotzat» jo zituen Egibarren hitzak, eta esan zuen «EAJren politika egiteko modua» ez duela ulertzen. «Elkarrizketa eta elkarbizitza bultzatu ordez, hausturaren alde egiten dute».

MAHAI INGURUA

Berrogei adituk 'Elkarbizitza euskal gizartean' gaia aztertuko dute, Donostian

Garbiñe Olaizola | DONOSTIA

Elkarbizitza Euskal gizartean gaia hizpide izango dute berrogei politikarik, kazetarik eta unibertsitateko irakaslek Deustuko Forumak gaur eta biharko Donostiako campusean antolatutako jardunaldi-tan. Batetik, gaur arratsaldeko 19:00etan mahai inguru irekia izango da. Bertan, Joseba Arregi eta Ramon Zallo EHUKo irakasleak, Alberto Oliart ministro ohia, Jose Ramon Recalde Deustuko Unibertsitateko irakaslea eta Javier Tusell UNEDeko irakaslea izango dira. Iñaki Gabilondo kazetaria izango da moderatzailea. Ostiralean, 09:30ean aurreko eguneko mahai ingurua laburbilduko dute bost hizlariak. Ondoren, hogeita hamabost gonbidatuen arteko eztabaida itxia izango da, Mariano Ferrer kazetariaren gidaritzapean.

«Mugako pertsonak bilatu ditugu. Diskurtso propioa dutenak, baina besteen uste sendoak entzuten dakitenak», adierazi zuen atzo jardunaldien aurkezpenean Javier Elzo Deustuko Forumeko presidentea, Asun Urzainki kontseilariarekin egindako agerraldian.

Bi mutur euskal gizartean

Elzok euskal gizartearen egoera azaldu zuen: «Bi mutur daude. Indarkeria, konpondu gabeko gatazka politiko baten ondorio dela diotenak daude batetik, Batasuna eta ETA. Bestetik, indarkeria dagoen artean politikaz ezin dela hitz egin diotenak, PP eta Konstituzionalistak. Erdian erdibideko jarrrerak daude».

Foruma ez dela «erakunde berri bat» izateko jaio eta ez dutela «amaierako txosten batera iritsi nahi», esan zuen Elzok. Ez dela «jarraipena izango duen prozedura bat, baizik eta Unibertsitateetik abiatutako elkarbizitzarako jarduerak bat» dela gaineratu zuen. «Indarkeria, indarkeriazko politika eta politika orokorraren arteko harremana» aztertu nahi du forumak.